

Bosna i Hercegovina
Federacija Bosne i Hercegovine
Tuzlanski kanton
JKP Pannonica d.o.o. Tuzla
Broj: 813-6/23
Tuzla, 01.08.2023. godine

Na osnovu člana 64. stav 1. tačka b), člana 70. stav 1, 3. i 6. Zakona o javnim nabavkama („Službeni glasnik BiH“, broj 39/14 i 59/22), te na osnovu preporuke Komisije za javne nabavke, a po provedenom otvorenom postupku za nabavku roba, Direktor Društva dana 01.08.2023. godine donosi

ODLUKU
o izboru najpovoljnijeg ponuđača

Član 1.

Prihvata se preporuka Komisije za javne nabavke, te se Okvirni sporazum za nabavku i sukcesivnu isporuku piva, dodjeljuje ponuđaču Pivara d.d. Tuzla koji je dostavio ponudu broj 01-01-2400/23 od 21.07.2023. godine, u kojoj je ponuđena cijena 89.995,58 KM bez PDV-a, odnosno 105.294,83 KM sa uračunatim iznosom PDV-a.

Član 2.

Ova odluka se dostavlja ponuđaču koji je učestvovao u postupku javne nabavke, u skladu sa članom 71. stav 2. Zakona o javnim nabavkama.

Član 3.

Ova odluka će se objaviti na web-stranici ugovornog organa (www.panonika.ba) istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 813-2/23 od 08.07.2023. godine.

Postupak nabavke je proveden putem otvorenog postupka za dostavu ponuda za koji je objavljeno Obavještenje o nabavci broj: 236-1-1-87/23 na Portalu javnih nabavki dana 08.07.2023. godine.

Postupak nabavke provela je Komisija za nabavke imenovana Odlukom broj: 815-1/23 od 07.07.2023. godine.

U toku postupka javne nabavke Komisija je zaprimila pristigle ponude, izvršila njeno otvaranje, te pregled i ocjenu ponude prema zahtjevima i kriterijima iz tenderske dokumentacije.

U postupku javne nabavke utvrđene su sljedeće činjenice:

- da je ukupan broj pristiglih ponuda 2 (dvije);
- da je blagovremeno zaprimljena 2 (dvije) ponude;
- da nije bilo neblagovremenih ponuda;
- da je jedna neprihvatljiva ponuda.

Razlog neprihvatljive ponude:

Anex 1- Obrazac za dostavljanje ponude: Nema potpisa ovlaštenog lica na strani 3 ponude gdje se navode osnovni podaci o ponuđaču.

Anex 2- Obrazac za cijenu ponude: Nije naveden datum ponude, zatim Ponuđač je ponudio stavke od naziva proizvođača **Tuzlanske pivovare** koja **ne postoji** kao ni navedeni proizvodi pod nazivom "**TZ bure**", **TZ pivo**", "**TZ Radler**". **U Tuzli postoji pivara koja se zove Pivara d.d. Tuzla.**

Obzirom da je dostavljena samo jedna prihvatljiva ponuda ponuđača Pivara d.d. Tuzla, postupak e-aukcije nije proveden.

Komisija je utvrdila da je pristigla ponuda uredna i potpuna, te da ispunjava sve postavljene uslove iz tenderske dokumentacije u pogledu kvalifikacije.

Komisija za javne nabavke je izvršila računsku kontrolu ponude i utvrdila da je ponuda računski ispravna i tačna.

Komisija za javne nabavke je nakon pregleda i ocjene utvrdila konačnu rang listu koja izgleda ovako:

1. Pivara d.d. Tuzla

-ukupna cijena ponude bez PDV-a..... 89.995,58 KM

U postupku donošenja ove odluke, posebno su ocijenjene činjenice da je Komisija, pravilno i potpuno, izvršila ocjenu kvalifikovanosti ponuđača, te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom. Uvidom u priloženu dokumentaciju utvrđeno je da je ponuđač koji je dostavio ponudu, ponudio realne tržišne cijene, te je odlučeno kao u članu 1. ove odluke.

POUKA O PRAVNOM LIJEKU


Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostavljeno:

1x Pivara d.d. Tuzla
1x Max trgovine d.o.o. Zenica
1x a/a



Direktor



Majid Porobić

